

An-tsary misongadina Ny Valosoa Vaovao

Helisoa

Mitokona ihany koa ny mpiasan'ny Tafita etsy amin'ny lapan'ny Fanatanjahantena sy kolontsaina etsy Mahamasina



Mbola mitohy ny hetsiky ny vehivavy etsy Bel'Air ho fanampiana ireo gadra politika miisa 12



CENI

Nanavao ny lisi-pifidianana na efa tapitra taom-piasana

Nanavao ny lisi-pifidianana-na, na efa tapitra taom-piasana aza ny CENI, na ny vao-mieram-pirenena mahaleotena misahana ny fifidianana eto amintsika. Ho fampiharana ny andininy faha-37 andalana faha-3 amin'ny lalàna fehizoro 2018-008, tamin'ny 11 mey 2018 mikasika ny fitondrana ankapobeny ny fifidianana sy ny fitsapan-kevibahoaka, ny Vaomieram-pirenena Mahaleotena Misahana ny Fifidianana (CENI), tamin'ny alalan'ireo ran-tsamangaika eny anivon' ny Distrika, dia niroso tamin'ny famaranana vonjimaika ny registra nasiôna- ly, izay notanterahina ny 28 febroary 2021. Nandritra ny fanavaozana isan-taona ny lisi-pifidianana (RALE) 2020-2021, dia nizara roa lehibe ny asa natao. Andaniny, fampidirana ireo mpifidy vaovao nahazo karapanondrom-pirenena, sy ireo nahafeno fepetra nefa mbola tsy ao anaty lisitra ; anki-

lany, ny fanesorana ireo maty sy izay niova toeramponenana ary ireo noverezin-jo tamin'ny alalan'ny didim-pitsarana. Taorian' ireo asa notanterahina dia niroso tamin'ny fanambàrana, fanontana ary famaranana vonjimaika ny lisi-pifidianana ny CENI. Ny lisitra nofanarana vonjimaika tamin'ny 28 febroary 2021, daty voatondron'ny lalàna, dia ho atolotra isaky ny Fokontany, mba hahafahan' ireo mpifidy hanamarina ny mombamomba azy. Ny fanamarinana voalaza dia tsy maintsy atao ao anatin'ny 20 andro aorian'ny daty nanaovana peta-drindrina ny filazana ny fametrahana ny lisi-pifidianana eny amin'ny biraom-pokontany, araka ny voalaza ao amin'ny andininy faha-21 amin'ny lalànafehizoro 2018-008. Araka izany, raha mpifidy misa 10381133 no voasoratra anarana nandritra ny RALE nofanarana tantaraka tamin'ny 15 mey 2020, toy izao manaraka

izao kosa ny antontan'isa niaingana nanatanterahana ny famaranana vonjimaika ny RALE 2020-2021: -Ny isan'ny mpifidy vaovao: 331419. -Ny isan'ny mpifidy noesorina: 196035. -Ny isan'ny mpifidy nofanarana vonjimaika ny 28 febroary 2021: 10516517. Tsara ny nanamarika, fa na teo aza ireo olana vokatry ny valan'aretina COVID19, sy ny vanim-potoanan'ny orana natrehina tamin'ny fanatanterahana ny asa natao, ny CENI sy ireo rantsamangaika dia nanao ny ainy tsy ho zavatra hatrany ary tsy nikely soroka tamin'ny andraikitra izay napetraky ny lalàna tamin'izy ireo. Manentana ny mpifidy rehetra ny CENI mba ho tonga hijery sy hanamarina ny mombamomba azy ireo ao anaty lisi-pifidianana nofanarana vonjimaika sy napetraka eny anivon'ny biraom-pokontany misy azy ireo.

Stefa



TIAKO I MADAGASIKARA

Arrêté N° 22 828 2014; registre N° 161/2014 au Registre National des partis politiques

Antananarivo, 03 Martsa 2021

Antony : Fiantsoana fivoriana

Antsoina ny Biraon'ny DISTIM sy FOKOTIM ary ny JEUNE TIM rehetra manerana ny Boriborintany enina (06) eto Antananarivo Renivohitra ho tonga hanatrika ny fivoriambe ny Alakamisy 04 Martsa 2021 ao amin'ny QG Bel'Air Ampandrana amin'ny 10 ora tsy diso. Zava-dehibe no ho dinihana koa aoka hifampilaza.

Ny Sekretera Jeneraly



Rina RANDRIAMASINORO